



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



616


08

157f  
R

PRINCIPIS  
AVICENNAE  
MAVRITANI.

De Corde, eiusque facultatibus  
libellus,

*Ioanne Bruyerino, Campegio,  
Lugdunensi, interprete.*



LVGDVNI,  
APVD HAERED. SEB. GRYPHII,  

---

M. D. LIX.




Ioannes Bruyerinus,  
CAMPEGIVS,

*Hieronymo Montuo, Regio Medico*

*undecunque doctissimo*

*Salutem.*

SS  
9



**S**O L E N T plerique omnes literarum professores, HIERONYME doctissime, cum ingeniorum suorum foeturam in lucem edere volunt, aliquos principes, aut magnates quærere: quorum nomine, tanquam tutelari numine, adiuvetur. Profectò ingrati animi esse duco, atque ignobilis, eos, à quibus nostra studia promota sunt, silentio præterire. Quis, quæso, Franciscum illum regem verè Maximum, disciplinarum omnium atque bonarum artium parentem & fautorem nostro ævo suis in scriptis omiserit? quis etiam Henricum

regem eius filium prætermittat? qui vestigiis paternis insitēs, Musas in Gallia liberalissimè solatur ac fouet. Hi, ita me Deus amet, principes dignissimi habentur, quib. literatissimorū egregia monumenta dedicentur. At video passim (prò dolor!) viris à Musis omnino alienis, doctos homines dicare ingeniorum suorum generosos fructus: Spargunt, vt ita dicam, margaritas ante porcos, eoque auspicio foetibus suis malè ominantur. Qui scribunt, hoc apud se constitutum habere debent, vt ignaros iudices sibi non quærāt. Libris sanè maior splendidiórque authoritas accrescet, si nomen docti titulo ostendar, cui censura scriptorum tuorum committatur. Quam obrem, HIERONYME, nostri temporis (absit verbo inuidia) philosophorum atque medicorum clarissime, libellum Aui-cennæ, *De Corde, eiusque facultatibus*, quem abhinc aliquot annos in Latinū cōuerti, tibi dicare constitui: vt in lucem prodiens iudicia calumniatorum non reformidet. Quis etenim te iudice sedente linguam exerat calumniatricem? Scis probè hunc libellum medicinam imprimis auxisse: præsertim verò, quod antiquis Græcis pariterq;

ritérq; Latinis ignoratū, vel potiùs dixeris negligenter omiffum fuit, breuiffimè complectitur. Equidem princeps cordatifsimus, Cordi, visceri nobiliffimo, eximium honorem præftitit: & mortalibus eolibello mirificè confuluit. Pauca aut potiùs nulla reperias de gemmarū in cordis affectibus, & mœftitia contritarum portione atq; applicatione, apud veteres Græcos, fomenta in febribus ardentib. quæ epithemata malè vocitāt: quanquā eo vocabulo vſus fit Politianus, errore vulgi ſequutus. *muta*  
 Quòd ſalutariter ex iſ inſtituta ſint, periculum in dies & in horas facis. Quin & eclectmata, quæ ſeplaſiæ electuaria, ſiue ſicca, ſiue humecta, nuncupant. Prætermitto prudens alia permulta, ſaſtidio parcens, quæ candidi lectores, medicineq; nō imperiti, in eo inueniēt commodiſſimavitæ hominum. Erunt, ſcio, quibus nihil niſi græculum ſapit, qui ridebunt laborem noſtrum quantulumcunque. Sed rideant, modò agnoſcant ſe inauratos ambulare Auicennæ doctrinā. vix in officinis remediorum concinnationes leguntur, quin ex Auicennæ penu depromptæ fuerint. Proinde miror quorundam inſanas mentes,

qui damnant ea, sine quibus medicissimi degerēt. Romani veteres, Pœni Magonis libros de agricolatione, curarunt studiosè in Latinam linguā transferendos. nec id obstitit, quòd eruditissimi Catonis & prudentissimi præcepta iam haberent. Nul-  
lus tam malus liber (authore Plinio) quin aliqua parte prodesse valeat. Nonnulli Auicennā Arabem appellant, alii Mauritanum, alii Pœnum. D. Hieronymus censet Punicam linguam Hebrææ proximè accedere. verùm immutatam temporum iniuriâ, non absurdum est credere:

quâquam Quintinus Hedus, vir egregiè doctus, in libello de Melita insula, affirmat

Melitenses multa habere hodie vocabula,  
quibus Auicenna vsus sit. Constat scholâ

Mauritanorum, tum philosophiæ, tum medicinæ singulariter profuisse: ex eâque

philosophos ac medicos per celebres prodisse. Quare etsi Galenum omnibus semper præferendum existimem: non negli-

gi tamen debent Mauritani: à quibus  
(audacter dico) præclarissima in medicina

adinuēta sunt. Omisimus quædam in hoc

libello: quæ adeò corrupta erant, ut nullus

elici posset sensus : vt est de Macere. Reliquimus etiam nomen Been : quoniam de eo dubitari à diligētioribus video. Si tantulum hunc nostrum laborem, HIERONYME amicorū humanissime, non displicuisse tibi cognouero, constantius ac vigilantius incumbam, vt quæ adhuc apud nos premuntur lucubrationes, & in tenebris latitant, breui emittantur in lucem : cuiusmodi sunt libri De re cibaria, copiosi : De salubri disciplina : Historia Francica : De pestilētia : Lēctiones Aulicę : itē De accipitraria : quæ hoc toto decēnio cōmentati sumus apud Heduos in Saturnino nostro nemoroso sacerdotio liberalitate Frāncisci regis, & Ioannis Cardinalis Lotharingi operā nobis commissio. Non potuimus per bellicos strepitus impressorum operā vti : quoniā nihil cum impio Marte ac Belona armata, pię Musę ac pacificę commercij habent. Speramus tamen propediem eas confecta pace orbis Christiani, auctoritatem ingentem habituras. quod vt cōtingat, Deum Opt. Max. oramus atq; obtestamur. Te verò interim rogabo, ne illas eruditi tui ingenii vigilias



finas diutius cū blatis ac tineis pugnare.  
Erit hoc tibi summo honori, & Reipubli-  
cæ vtilitati. Bene vale doctissime

H I E R O N Y M E: & nos, vt  
soles, ama. Ex ædibus  
nostris decimonono

Calendas Iu-  
nias

1559.



PRINCIPIS AVICEN  
NAE, MAVRITANI,

De corde, eiúsque facul-  
tatibus libellus,

*Ioanne Bruyerino, Campegio, Lugdunensi,  
interprete.*



VMMVS. ille opifex Deus, vi-  
scus admodum nobile, in hominis  
corpore collocavit: quod ab anti-  
quis Philosophis, primum & prin-  
cipalissimū appellari inuenio. Cuius  
sinister sinus, fons, & concepta-  
culum spirituum existit: hi verò, animæ virium pri-  
mum stabilimentum censentur, atque eorum ope-  
ra ductūque in corporis partes omnes animæ facul-  
tates transfunduntur. Porro idem sublimis ille arti-  
fex genuit ex succorum tenui essentia, paritèrque ca-  
lida spiritus, haud aliter sanè, quàm ex crassa & terrea  
ipsorum humorum corpus. Eadem enim est collatio  
spirituum ad succorum tenuitatem, atque ipsius cor-  
poris ad ipsos succos. Quippe quemadmodum mem-  
bra ex mutua humorū quatuor mistura temperatu-  
râq; constant, vnde scilicet formam suâ cōpositionis

Sinus si-  
nister cor-  
dis.

Membra

ac structurę adipiscuntur, paritęque apta efficiuntur ad habitum (qui à simplicibus pronosci potest) admittendum: ita quoque spiritus ex succorum tenuitate, simul & mistura nanciscuntur temperaturam, qua idonei aptique redduntur ad vires anime continendas. id quod nequaquam à simplici natura contingeret. Verum si quis diligentius id consideret, à Dei immensa benignitate simul ac potentia emanare, facile sibi persuadebit: quandoquidem harum virium perfecta absolutio, vita ipsa est, quam à Deo immortalibus infundi haud dubiū est. Cæterum, etsi vnaquęque pars corporis ex succorum essentia consistat: habet tamen suum temperamentum, quod à proportionē quantitatis humorum, eorumque mixture oritur. Pręterea, spirituum essentia ex humorum quidē tenuitate constituta est, verum tamen temperaturam obtinent peculiare: quę quantitatis proportio, tenuitatis succorum & mixture formas consequi solet. Adhęc, in generatione partium animalis (quę sanē non paucę sunt) vna sit oportet quę prima gignatur, quęque aliarum principium habeatur: indeque reliquarum generationis ordo sequatur. Hic autē non obscura philosophorū concertatio exoritur: de qua vberimē aliquando in magno aliquo nostrorum Cōmentariorum (modō vita supersit) differemus. Nunc dicamus esse quoq; in spirituum generatione ordinē quendam, simulq; principium quoddam. Conuenit inter omnes propē dixerim naturę interpretes diligentiores, spiritū illum qui primus gignitur, suam in corde originē habere: à quo ad alias partes diffunditur: ibiq; naturam atq;

Prima  
pars.

Genera-  
tionis spi-  
rituum  
ordo.

Primus  
spiritus.

temperationem peculiarem adipiscitur. Ad cerebrū Cerebrū  
 etenim deductus sensus motusq; , functionem facultatēque consequitur in locinore verò alitionis au- Iecur.  
 ctionisq; , postremò in testiculis vim genitālē. horum autem ( si principi philosophorum credimus) Arist.  
 fons atque principium cor existit. Qui tamen huic sententiæ refragantur, vim gustandi, videndi, audiendi, in cerebro positam constanter affirmant, ab Opinio  
 eoque veluti principio emanare. Addunt quoque, quorundam.  
 spiritus ab aliis partibus adiuuari, & aptiores effici: ut facultates illas præstare valeant. siquidem vim visoriam, temperamenti chrystaloidis auxilio, suas exercere operationes aiunt: audiendi, nervi cuiusdam ope, gustandi verò, ab humore (quem caro quædam spongiosa sub lingua sita gignit) absolutè perfici. Ex his autē quos Philosopho reluctari nuper diximus, nonnulli in ea sunt hæresi, ut arbitrentur spiritum illum duntaxat à cerebro vires exquisitas accipere: nec aliarum partium, ad quas accesserit, indigere vñ aut operâ: putantque eas partes tantum esse instrumenta idonea functionibus peragendis: nihilque ad constituendam spiritus essentiam conferre. meminisse tamen oportet, veriore esse sententiam aliorum. id quod Lector candidus probare non dubitabit: si accuratius rem totam contempletur, atque antiquorum Philosophorum monumenta evolvit: in quibus exercitus sit oportet, qui hæc paucula de corde, Antiquorum Philosophorum monumenta evolvit: in quibus exercitus sit oportet, qui hæc paucula de corde, rû Libri.  
 eiùsque potentiis nosse, ac perdiscere volet, ex iisque fructum referre. Equidem constat inter doctiores, spiritum ab instrumento actionis, exquisitam nan- Absolutio exqui  
 cisci absolutionem. Præterea, posteriorum quorundam sita spiritus.  
 dam

Posteriorum opinio. dam philosophorum secta affirmat, quicquid vim spiritus obtineat, id penitus in corde gigni: à quo ita exactè conficiatur, elaboretur, & concoquatur, vt neque cerebri, neque iocinoris, neque testium operâ vsûque indigeat. Sed hos toto (vt aiunt) cœlo errare eruditi naturæ cōtemplatores rectissimè censent. Iam verò tempus appetit, vt spiritus diffinitionem, naturam, vsûmque attingamus: ostendamusque quid de his philosophus eruditissimis suis in Commentariis tradiderit. Primùm itaque scito, vitam omnemque perfectionem, quin & omne bonum à celsò veritatis honorumque omnium fonte atque principio, dimanare: præterea esse quædam, quæ recipere quidē nata sunt, carere tamen aptitudine illa, qua conuenit recipere: ideóq; nō quoduis corpus cuiuslibet affectionis admittēde idoneū existit. Lana quippe, qua lana est, gladij formā haud recipit: neque itidem aqua, quatenus aqua est, formam naturæ humanæ minimè admittet. vitam autem obtinent vniuersa corpora, exceptis quibusdam, quæ numero pauca sunt, & quantitatis insensilis. sunt autem huiusmodi elementa: quæ esse tantum quatuor, dubitari non video: quæque nullam vitam habere dicuntur: quemadmodum nec illa, quæ iis proximè accedunt naturâ: quin etiam minora esse propemodum cunctis, qui circumferuntur, orbibus intelliguntur. Adde quoque, parum à mente vera abesse, quin ex astris fixis aliquod sit maius illis. Ostensum quoque est, elementorum corpora, si ad Saturni sydus referantur, instar punctorum videri. vnde tibi licet coniectare, quantum à sublimiorum amplitudine recesserint. Cur autem

elemen-

elementa vitam non obtinuerūt? problema est phy-  
 sicum: cuius causam explicuerūt, qui veritatis studio  
 eruendę monumenta posteris scripta reliquerunt. est  
 autem ab illis huiusmodi tradita: quod videlicet  
 cætera vniuersa corpora, tum simplicia, tum cōpo- **Cōposita**  
 sita, aduersari elementis, naturarum contrarietate  
 spectentur, quippe natura vnius, alterius naturæ est  
 contraria. Longè igitur absunt à corporum cœlestiū **Cœlestia**  
 naturâ. quippe hæc sunt ad vitam apta (quæ solet  
 corporibus accidere) nobilissimâ & excellentissimâ:  
 illa verò omnino vite sunt expertia; at in corporibus  
 compositis, mistio abolet ipsorum contrarietatem. **Cōposita**  
 vnde oritur temperatura, quæ medium quoddam  
 existit inter contraria. Nihil autem absolutè contra- **Contra-**  
 rium medio cernitur: hoc itaq; modo compositum, **rietas.**  
 ad viuendū aptum redditur, fitque, vt quantò pro-  
 pius temperamentum medio accesserit, tantò aptius  
 mistum efficiatur ad vitam perfectiorem atque præ- **Vita nō-**  
 stantio rem suscipiendam. Quod si in temperatione **bilior.**  
 tanta fuerit moderatio, vt contrarietatem abolere  
 valeat, omnino ad cœlestium corporum vitam pro-  
 ximè veniet mistum: hanc verò in spiritibus corporis  
 humani inueniri compertum habemus. Erit igitur  
 (vt summam dicam) spiritus generatus ex elemen- **Spiritus.**  
 torum moderata mistura, ad cœlestium corporum  
 naturam proximè accedens. Atque idcirco eius  
 essentiam splendidam existimarim. nam & visorius  
 ille spiritus, splendor quidam est, ac fulgor. Mirum  
 itaque videri minimè debet, animam lucis conspectu **Visorius**  
 exhilarari, tenebris verò contristari: nempe spiritus **spiritus.**  
 splendore atque luce, vt familiari sibi que simili **Lux.**  
 oblec

oblectatur, cōtrā verò tenebras (vt contrarias) reformat, ac perhorrescit. Cæterum, à Philosophis pariter ac medicis doctioribus proditum est, lætitiā, mœstitiā, metum, irāque, proprios esse spiritus cordis affectus: quòdque eorum quilibet augetur, minuiturve, non ab agente solū causa, sed aptitudine ipsius affecti corporis. Quinetiam iidem differre censuerunt potestatem & dispositionem. Siquidem potestate, vtrunque contrariorum æqualiter suscipi potest, dispositione autem nequaquam. nāque lætari & trīstari simul, potestate quidem hominē quis dicere poterit: dispositum autē & aptum vel mœstitiæ tantū, vel gaudio tantū, dicere possumus. quæ eadem de cæteris affectibus sūnt intelligenda. Quamobrem essentia spiritus, potestate læti alia est ab ea, quæ est dispositi ad quoduis nuper memoratorū affectuum. Etenim dispositio, perfectio quædam est potentiæ, si ad alterum oppositorum spectes. Patet itaque, quòd etsi spiritus potestate lætari trīstarique discriminatim possit: non tamen eadē præstare in dispositionis ratione valebit. Sed & liquet ab ipso ortu & generatione potestatem spiritui inesse in vtrunque oppositorum inseparabilem. At dispositionem, qua spiritus ad alterū oppositorum ducitur, non ex ipsa quidem adesse generatione inseparabiliter, omnibus in confessio est. causæ etenim extrariæ & quæ foris contingunt, eam efficere possunt: lætitia autem est voluptas quædam & delectatio. Fit autem voluptas apprehensione rei naturalis aduenientis ab aliqua facultate apprehensoria. id quod patet in sensibus. Quippe gustatus, succorum dulciū appre-

Affectus.

Potestas.

Dispositio.

Spiritus lætus.

Dispositio.

Læticia. Voluptas. Gustatus.

apprehensio, delectationem affert: visum splendor  
 oblectat: olfactum rerum suaueolentia, auditum iu-  
 cundi leuésq; soni voluptate afficiunt. porro victo-  
 ria delectat eam, qua irascuntur facultatem, vtilitas  
 verò percepta vim eam, qua existimatio atque cogi-  
 tatio fiunt. Cōstat siquidem adeptionem rei perfectæ  
 voluptatem facultatibus afferre. Fortè autem & vsu-  
 uenit, vt potentia quædam delectetur, tantum abe-  
 unte scilicet, qui præter naturam fuit, affectu, & re-  
 deunte habitu naturali. Quamobrem nonnulli arbi-  
 trati sunt delectationem fieri, videlicet cum affectus  
 præter naturam ad naturalem cōstitutionem reuer-  
 titur. Etenim stabilem ac permanentem habitum  
 nullam omnino parere voluptatem asserunt. Eos  
 autem falli manifestum est. nam id quod per acci-  
 dens accipi oportet, ab ijs vt per se, sumitur. quem  
 erroris modum in Elenchis aperuimus. Cæterum,  
 delectatio (de qua hic agitur) deprehenditur tantum  
 alteratione manente: quod tactus satis indicat: nem-  
 pe voluptas efficitur tactili agente qualitate: &  
 transmutante in habitum naturalem corpus affectu:  
 quod vbi effectum fuerit, qualitas illa firmata fit partis  
 temperatura: à qua nullo pacto voluptas fit. omnis  
 enim alteratio cum quadam transmutatione accidit,  
 nihilque seipsum alterat, aut mutat. Contrà verò  
 qui Ethica febre laborat, non videtur offendi ve-  
 hementia caloris: cum nihilominus huius calor lon-  
 gè amplior sit quàm is, qui ab ardente febre concei-  
 tatur. Porro ab acutis correpti febribus, manifestè  
 offenduntur calore, quanquam minor is sit. Accidit  
 autem id, quoniā omnes corporis partes excofactæ  
 ad

ria.  
Vtilitas.

Opinio.

Error.

Volu-  
ptas.

Tempe-  
ratura.  
Alteratio.

Ethica  
febris.

Acute  
febres.



ad perfectionem, atque ex æquo in Ethica sunt. Ad hæc, qui ea tentantur, doloris expertes sunt, putantque se febre omnino carere. neque enim sentiunt calorem, vniuersis scilicet corporis particulis per calefactis: calor verò acutæ febris expanditur supra partes quasi innatans: longèque recedit ab ægrotantis temperamento. medici hanc appellant qualitatem peculiari- ter partibus inhærentem, quemadmodum in Ethica malam temperiem, inæqualem, quòd scilicet omni- bus corporis intemperanter affectis partibus æqua- liter infit: eam verò, quæ adest febre ardente correpto, inæqualem, malam intemperiem vocitant. Manifestū itaque erit, quòd causa voluptatem cessare faciens (postquam perplene iam alteratum fuerit corpus, ac veluti acquisitus habitus) erit priuatio apprehensio- nis. Causa autem delectationis quando incipit abire ab effectu præter naturam, erit transitus initium ad statum secundum naturam. Verum quoniam simul coeunt principiū dispositionis naturalis, & exitus af- fectus præter naturam, fit, vt voluptas contingat sub  
**Error.** illum finem atque discessum. Quare quæ antè dixi- mus, quidam vera esse malè crediderunt. Siquidem perfectio sensu percepta, causa ea est delectationis per se aptitudinis, insuper causa ad voluptates circa spiritus versatur. Etenim & quantitate & qualitate bellè moderati, laudatissimi habentur, & proba- tissimi. nanque spiritus si immodicè abundauerit, fa- cultas quoque erit vehementior & validior. nos in na- turalis scientiæ libris docuimus quantitatem adau-  
**Auicennæ** ctam robori facultatis non parum addere. **libri De** Quam-  
**Natura.** obrem ipsius largior copia spiritus, facit, vt diutius perennet

perennet ac perduret in ipso fonte: quando verò affatim spargitur in partes (fit verò quando lætitiâ adfici-  
mur) copiam liberaliorē significat. Quòd si exiguus fuerit spiritus, artifex illa natura parcius illum diffundit, atq; elargitur: nec finit ita liberè vagari, ne dissipetur atq; euanescat. Adhæc, si temperaturam nanciscatur præstantissimam spiritus, & essentiam excellentissimam, hoc est, splendidiſsimam, ad cœlestem essentiam proximè accesserit. Dictæ iam sunt generatim lætitiæ causæ. At spiritus, si contrà se habeat, mœstitiâ parit. Quando autem is in corde multus fuerit generatus, & moderatam obtinebit temperiem, tum etiam splendidus, serenûsq; existet, vehemētē gignet lætitiâ: e contrariò si exiguus, qualis in recoligentibus se à longa valetudine, & senjoribus intelligitur. Præterea, distemperatus, veluti in ægrotis corporibus: item spissus, crassus, turbidûsq; & caliginosus: qualē obtinent melancholiâ adfecti. Si pertenuis, qualem mulieres, atq; pusillanimes vocati, mœstitiâ insignem pariet. Sunt quoq; extrariæ causæ, & quæ à foris veniunt, tum mœroris, tum gaudij: quæ hominem adficiunt pro aptitudinis modo. Quippe minima causa indigebit aptitudo exquisita. quod familiari exemplo sulphuris colligemus. Id enim vel ignis scintillulâ ocysimè accenditur, flammamq; edit; celestius videlicet, quàm plurimus ignis in ligno posset. Quapropter quibus spiritus aptissimi sunt ad ea, quæ lætitiâ faciunt, admittenda, leuissima ex causa gaudent. Vinum excellens epotum interdum tantam adfert voluptatem, vt qui biberint, temerè ac sine causa exhilarari credantur. sed id absurdum est: quippe fieri

Spiritus  
exiguus.

Extrariæ  
causæ.

Aptitudo

Exēplum  
à sulphu-  
re.

Vinū ge-  
nerosum.

haudquaquàm potest, vt citra artificis operam, reivel  
 aptissimæ quidpiã imprimatur. Causam verò huius-  
 modi hilaritatis vinorum, explicare non erit inuti-  
 le. Vinum excellens modicè ac tempestiuè haustum,  
 parit spiritus essentia moderatæ ac temperatæ, præ-  
 tereaq; splendidos: vnde qui id bibit, letitiæ aptus red-  
 ditur: proinde vel causa leuiuscula impellitur ad hila-  
 ritatem. Porro validius altiùsque imprimuntur cau-  
 sæ, quæ vtilitatem præsentem promittūt, quàm quæ  
 futuram. quin & eas potius admittimus, quæ ad vo-  
 luptates, quàm quæ ad honestatem pertinent, prom-  
 ptius item quæ ad imaginationē, quàm quæ ad men-  
 tem, suscipimus. Cuius quidem ratio est, quòd ani-  
 me princeps facultas in cerebro suas exercet functio-  
 nes: spiritus autem moderatè humidus idoneus est, vt  
 motioni cogitationis, mentisq; labori obtemperet.  
 Crapula autem & ebrietas immodicè humectāt, atq;  
 agitant ipsum, vaporibus scilicet in sublime raptis:  
 quare neque menti, neque cogitationi paret, potissi-  
 mūque vbi ardua & seria maximè negotia tractari  
 oportet, mobilis siquidem & fluida essentia non  
 facile suscipit rerum formas subtilium, sed crassa-  
 rum tantū rudiūque: ideòque veritas infirmior  
 manebit, & non plenè cognita. Intelligenti enim vis  
 impedita, cessabit ex parte maxima, quamdiu intem-  
 peries illa vigeat atque agitatio: redeat enim oportet  
 prius temperies ac tranquillitas, quàm rite suo fun-  
 gatur munere: sic facultas animæ quæ cordi inest,  
 quamuis apta sit admodum ad lætitiā, tamen quæ  
 vim exhilarandi sortita sunt, ad illam potentiam non  
 pertingunt: quæ tum sensus, tum phantasiā & cogi-  
 tationem

Hilaritas  
 ebrioso-  
 rum vnde,

Principa  
 le ani-  
 mæ.

Vis cor-  
 dis.

tationem solet præbere. Roboratur verò iis animalis facultas: quod equidem impedimentum contingit ab immodico humore & agitatione immoderata, sensus itaque interiori spiritui dominabitur, mentemque suis motibus separabit. Quando autem menti fugax occurrit spiritus, opem à sensibus illa quærit: *Sensus.* quorum operâ utitur eo modo, quo geometræ, aliarumque scientiarum professores, & contemplatores. *Geometræ.* Hæc itaque cum sic procedant, hebetantur in animæ ebriosorum honestarum seriarumque rerum impressiones, contra verò voluptatem mouentia, atque letitiâ, robur virisque adsumunt: maximè, quando sensibus subiiciuntur, atque occurrunt. Diximus suprà leuissima opus esse causa, si aptitudo adsit ad creandam voluptatem: quod item exemplo puerorum patere potest: quos plerumque sine causa lætari existimamus: *Exemplum à pueris.* at id fieri nequit. Præterea, causarum letitiæ atque mœstitiæ aliarum quidem validarum & insignes, aliarum imbecilles *Causæ.* & obscuræ: quædam autem cognitæ & cōpertæ: nonnullæ verò incompertæ & abditæ: & occultarum quidem pleræque consuetæ sunt: idcircoque minus manifestæ ac cognitæ: assuetudo enim tollit notitiâ. Causas gaudij insignes & cognitæ hinc tractare æquum non est. Sunt permulta, quæ animum exhilarant, cuiusmodi est cœli serenitas: huiusque certissimum argumentum est, quod obscuratum & nebulosum hominem contristat terræque; quin & hominum conuersatio, præsertimque æqualium. solitudo enim (si aliud quicquam) mœstitiam excitat & terrorem: præteritorum insuper iucunda recordatio, atque futurorum bonorum spes, confabulationes cum amico de rebus

*Affluendo.*

iucundis. Quinetiam euasisse certum periculum, tormenta, tempestates temporum: optatis frui, statuisset animo quod voluptatem adferre debeat: narratio historiarum, apologorum, & fabellarum, vel lectio, exotica, & peregrina contemplari, amicis obuiam fieri, decipere quandoque, & fallere in leuibus negotiis, ludisque, & vincere. Sed horum plura lib. Philosophorum Rhetorumq; tradita reperiuntur. in his autem, tum ætatem, tum consuetudinem, tum regionem considerare oportet, atque etiam affectus: quippe ab iis variæ emergunt differentiæ. Verum enim uero non reperire est hominem, qui liber & immunis sit id genus

**Aptitudo.** rebus. Porro aptitudo & præparatio suscipientis perpetuò animaduertenda. interdum namque ab vno quis adficitur, aliquando ab altero, raro à duobus simul: fit tamen nonnunquam, vbi scilicet causa fuerit vehementior. Vinolentorum voluptas diutulè perdurat: mœstitia melancholicorum, ob crassos & caliginosos spiritus diutius perdurat. Quædam leuiter cōstristat, vt, solum patriū deferere, à parentibus longius abesse: meminisse periculorum præteritorum, odium in ali-

**Mortis  
metus.**

quem: conuersari cum iis, quos minimè amamus: mortem metuere, & alia id genus. à quibus qui prudentiores sunt & cautiore, animum abducunt: morte namque nihil certius, vitari que haud potest. Hic breuitati studentes, non pauca omittimus, vt curas, sollicitudines, meditationes, voluptatum interpellationes.

**Atribilia-  
ni.**

Cætèrum, in atra bile adfectis (quoniã rerum tristium intentior imaginatio existit) plerunque accidit: vt ea ipsa, quæ imaginationi occurrunt, vera esse putent: diutiusq; mœstitia perseverat. Causas tam vehementis cogi

tis cogi

ts cogitationis ariditati spiritus adtribuunt nonnulli: *Ariditas.*  
 quanquam manifestum sit, agitationem mobilitatemque eius siccitate corrigi, ac compesci. Mens quoque a ratione auocatur, operatur tum sensus, tum ipsius phantasie: quippe vitata spiritus temperatione, variè & vitiosè is mouetur, pro corruptionis scilicet magnitudine, pratitate, atque varietate. Cæterum, omnis *Exercitium functionum.*  
 functio, quæ frequenter exercetur, validiorem efficit facultatem à qua prodit. Namque redditur ad suos effectus præstandos efficacior. quod inductionis exemplo sic patebit: Corpus frequenter calefactum, calorem *Inductio.*  
 promptius ociusque concipit. Quin & sepius refrigeratū celerius faciliusque frigus sentiet. Præterea, rarū *Rarum.*  
 ex facili patitur atque adficitur, densum vix & contumaciter: eadem autem intus in hominū virtutibus vsu *Densum.*  
 venire est intelligendum. Quippe actiones & passionnes earum, crebriores habitum in ipsis pariunt & firman- *Virtutes.*  
 e euidenter & insignem: ideòque eos habitus, qui ad mores pertinet, sic acquiri nouimus. Huius autem causam haud temere fortasse sic posuerim: quod passio videlicet crebra, essentiae suscipientis utilis sit: commodum autem rei cuiuspiam quod existit huius rei contrario, inutile futurum est. Possem equidem ratiocinatione & demonstrationis methodo exquisitiùs id demonstrare: verum ex inductione satis ista manifestatur. Proinde in confesso est, lætitiā frequentem, pro- *Lætitiā frequentior.*  
 ptiores præstare spiritum ad voluptates: contra, per seueratē & diurnā mœstitiā ad mœrores opportuniorem. Naturæ rerum periti rationem docent huiusmodi: quod lætitiā crebriorem duo cōsequi par sit, robur scilicet facultatis, atque spiritus attenuatio-

nem: robur autē potentia tria sequuntur: quæ gaudium generant, spiritus temperies, deinde instauratione amplā eius, quod ei decesserit: postremum, quod non finit spiritum immodicē dissipari, sed potius cōseruatueturq;. Adhæc, duo consequuntur spiritus attenuationem, aptitudo ad motū & dilatationem, id enim essentia subtilitas suggerit: alterum verò est, quia trahit alimentum, quod in aliam partem dilatatione & motione nutrimenti contrariam solet abduci. Quæ cuncta natura facit atque molitur: ut vacuo locus nō sit: cuius motionis vis est, ut succedant prioribus posteriora. Aquas ē longinquis locis sic deduci certum est elicibus & tubulis itēque ventorum flatus: quin & cutem à medicinali cucurbitula. Sed crebra & perseverans mœstitia potentiam naturalem imbecillam reddit: facitque, ut spiritus crassi spissi que necessariò euadant: quandoquidem in arctum atque angustum coacti, calorem nativum extinguunt: unde summa fragiditas enata densitudinem illam & crassitudinem adfert. Meminisse igitur oportet frequenti lætitia spiritus serenari exhilararique, mœrore verò crebro constriari ac obfuscarī: sed quæ mœrores concitare dicuntur: nisi si admodum valida pariterque vehementia extiterint, vix adficiunt opportuniore ad lætitiā & gaudium: quos tamen leuiter iucunda celeriter & facile mouent. Eadem in mœstis intelligere debemus: propterea enim à mœrore adficiuntur, difficulter verò à lætis excitantur. Verum cordis imbecillitas & mœstitia, quanquam ferè eadem videantur, differunt nihilominus. Cordis præterea firmitas, lætitiāq;, eadem esse dicuntur. Sunt qui mœstitiā, cordis constri-

Vacuum  
abhorret  
natura.  
Aque ductus.

Frequēs  
lætitiā.

Cordis  
imbecillitas.  
Differen-  
tiā.

constrictiōem atque angustationem appellent, leti-  
 tiam verò ampliatiōem, & dilatiōem: verū hāc  
 differentiā parum conspicuē apparent: quoniam si-  
 mul plerunq; coeunt, & sese mutuū sequuntur. Sanē  
 duo illa priora, passiūæ dispositiones quibusdam æsti-  
 mātur: duo posteriora, agentes: verū inter extrema  
 contrarietatis vtriusq; occurrit distātia aperta. Quip-  
 pe, vt clarē intelligas, adnotandum in primis, ita si-  
 mul nō inueniri: scilicet, vt qui infirmus sit cordis, pro-  
 tinus idem mœstitiā adficiatur, nec qui mœstus con-  
 tinuū & idem sit corde imbecillo. Ad hāc, nec omnis  
 qui letus est, validum statim obtinebit cor, neque qui  
 cor robustum nactus erit, idem quoque latus fuerit.  
 causæ nanque inter se discrepant: nempe eos puta-  
 mus pusilli infirmūque cordis, qui impatiētes sūt re-  
 rum terrificarum: mœstos verò eos appellamus, qui à  
 rebus contristantibus opprimuntur, iisque resistere  
 non valent. Sed, vt paucis dicam, scito terrifica cordi Terrifica  
 inimica esse, & noxia: contristantia autem ipsi ani-  
 mæ. Cordis debilitas quæ mala sūt, vitare tentat:  
 mœstitia verò reluctatur quidem, conaturque repel-  
 lere, nec parat fugam, sed repugnationem. Quinetiā  
 infirmitas cordis sedat lenitque motrices potentias:  
 mœstitia mouet & cōcitāt. Quare hoc in affectu duæ  
 passiōes reperiuntur: altera offensionis, & læsionis:  
 altera desiderij: mœstitia solam habet passiōem of-  
 fensionis: nec affectus ad fugam naturaliter ipsam se-  
 quitur. Quin euitatio tantum fortasse aduenit pro-  
 pter aliquod accidens: & si non adsit appetitus ad fu-  
 gam inclinans. Aliam differentiā aliqui voluerunt Alia dif-  
 esse, quòd ad cordis imbecillitatem (si quidem quod ferentia.



oblit, adueniat) natiui caloris hebetatio consequitur, frigorisque exuperantia. In mœstitia (quando quod lædit, obuiat & occurfat) insitus calor inflammatur. Postremū est, quod aiūt circa adficiētes ac disponētes causas collocatum: siquidem immodica spiritus tenuitas, & frigiditas, cordis imbecillitatem faciunt: mœstitiam autem spirituū crassitudo, calidāque eorum temperatura. Porro quando sanguis variè adficitur, variè quoq; cor adficitur. Sanguis splendidus, temperatūque lætitiā parit: nam & hæc copiosum purum, & bellè temperatum creat: qui verò tenuis, clarus, simūlque aquosus & frigidus, meticulosos reddit: cordisq; infirmitatem generat: nempe spiritus hinc proueniens, foras difficulter exit, quin nec facilè accenditur propter frigiditatē humorēque, quam obrem neque in lætitiā, neque in mœrorem promptiores efficit. Ocyūs item dissipatur atq; absumitur: quandoquidem admodum tenuis & exiguus est. Huius verò causa, algor est. At crassus, turbidus, & vehementer calens, pronos in mœstitiā facit, irāque perseverantem & pertinacem gignit. Etenim spiritus caliginosi ab eo manant: qui mœstitię authores sunt. Calor verò vt promptè accendatur, & efferuescat ad irā, facit spissitas & crassities, vt perduret diutius: fitq; peruiacior ira: densa namque calefacta, tardius quoque refrigerantur. Quæ autem à sanguine tenui ac bilioso succenditur ira, vt prōptius excitatur, ita celerius remittitur ac sedatur, propter tenuitatem & calorem spirituum. Si verò his accefferit splendor ac serenitas, lætitiā parient. Sanguis crassus feruidiorque, non tamen turbidus (quod rariūs contingit) non mœstos sed

Sanguis.

Ira perti-  
nax.

stos, sed audaces efficit: & cor robustius indicat, parumque iracundum: lætitia iram obtundit, mœstitia contra fouet, alitque motus iræ, ad expellendum vergit, delectationis, ad attrahendum. Ira vehementior contingit à spissitudine spirituum: ideoque & leuiter meticulosa huiusmodi temperatura. Sanguis crassus algidiôrque, neque tamen turbulentus, hominē neque exhilarat neque contristat: nec iracundum admodū facit: quin & is modicē metuet, ingeniūque erit obtusioris, simplicis ac synceri in omnibus, quæ tractabit, negotiis. respondet quippe spiritus sanguinis temperamento. Sanguis crassius, turbidus, simul atque frigidior hominem efficit mœstum: & desperantem, sed tardius irascentem. etenim sine graui causa vix ira scitur: & quæ in eo cōcitatur ira, celerius cessat, quàm in eo, qui sanguinem calentē, crassum, turbulentūque obtinet. Est autem perseverantior, quàm eius, cuius sanguis est tenuis. Vnde fit, vt odiū semel cōceptū, lentius dimittat atque deponat. odium namque est firma nocuenti accepti & perseverans recordatio in imaginatione, quæ ultionis viam vestigat. Scito autē, quando ira ocysus deferuescit, atque tranquillatur, non perdurare in imaginatione formam eius quod læsit, ac nocuit, sed aboleri obliterarique velociter. Præterea, si quis ad ultionē moueatur, duo sunt quæ prohibent, ne odium cōcipiatur. Etenim quando anima omnino vlcisci iniuriā expetit, auocatur à rei lædentis contemplatione, adeo, vt memorię adfigi non valeat iniuria: siquidem vis motrix abducit nos à recordatione lædentium. Adnotandum insuper, quod ubi quis vindictam intensius cōcupiscit, nec timor adsit,

Spiritus.

Odium  
quid.

contingit, vt ex cupiditatis vehementi impreſſione, quod expetitur, quaſi iam adeptum & conſequutum in imaginatione videatur. Si autem quod nocet, effatu dignum ſit & timoris plenum, tunc vltionis deſperatio metusque facit, ne in anima tenaciùs inhæreat forma cupiditatis vindictæ. Quamobrem illa læſionis ſpecies ab imaginatione abit, verùm timor in anima remanet: ideoque homo is ad fugam, non ad aggreſſionem ſeſe parat: nec perſiſtit odium. Porro quando pueri imbecillèſve læſerunt, quoniam facilis de iis vltio futura ſit, abeſtque timor, ceſſat illa vlciscendi, cupido: perinde ac ſi iam peracta foret vindicta: imaginatio ſecundùm oblata atque occurrentia mouet: non ſecundùm quod res ipſæ exiſtunt: id quod exemplo familiari colligi ſic poteſt. Homines à mellis guſtatu abhorrent, quādo ſcilicet vomitui bilis flauæ confertur, item alij ſuaues iucundique cibi, quando cum ingratis & faſtidioſis putidiſve conferuntur, nauleam adferunt & faſtidium. Simili quoque ratione cætera iucunda, ſi cum deteſtandis comparentur, diſplicere ſolent. Vehemētia motus cupiditatis, & facilitas obtinendi quod queritur, ita nos adſicit, ac ſi iam eo ipſo potiremur ac fruereſſemur.

Pueri.

Imaginatio.

Exemplū à melle.

Lætitiā generantia

Vinum.

Margarita.

Sericum.

S E D de medicamentis lētitiā generantibus diſſerere tempus expoſcit, & quot modis id efficiant, explicandum. Igitur adnotaſſe oportet medicamina, quæ lætitiā gignunt, aut alendo, ſpiritum iuſtaurare & reſarcire, vt vinum: aut ſpiritui ſerenitatem ſplendorēque pærſtare, vt margaritæ & Sericum: quæ abſterſoriam etiamnum vim obtinent: aut cogēdo prohibere ne diſſipetur ſpiritus, cuiusmodi ſunt Myrobalani

balani Emblicæ, & Succinum. Aut temperare moderariq; temperamēti qualitates, calorē ſcilicet aut frigiditatem: & hoc quidem Doronicum præbet, illud autē caphura, & aqua roſacea. Aut corroborare ſpiritus quadam odoris ſuauiſ gratiâ, vt aromatum genus gratum: aut ſeparare melancholicū ſuccum aut turbidū à ſpiritibus, vt bugloſſum, & lapis cæruleus. & hæc omnia ab his præſtantur, aliquando quidem ſolis, aliquando quidem ſimul commiſtis: quemadmodum ſi bugloſſum & coraliū ſuccinūmq; ſimul miſcueris. Sed de hoc in calce libelli explicabitur diligentius atque vberius. Sunt autem & alia, quæ hilaritatem generant, naturâ quadam peculiari (proprieta-  
 tem naturæ interpretes vocitant) vt hiacynthus lapis. ſed hæc proprietas coniuncta quâdoque cernitur alicui prædictarum facultatum. Moſchus ſiquidem, & Ambar lætitiâ pariunt, tum naturâ illa peculiari & proprietate, tum odoris ſuauiſ atque fragrantia, quæ ſpiritus recreat. Quinetiam ſuccus malorum (quæ Matiana appellantur) cæca illa proprietate lætitiâ gignit atque ſi incaluerit plus iuſto, ſpiritus auxilio venit vi ſua refrigeratrice. Doronicū item abdita illa naturâ hilaritatem ciet: quin & ſpiritus refrigeratos calfaciendo: verū in vno medicamento complures quandoque coire ſpectantur aliæ facultates cum proprietate: ſed quæ potentiâ huic coniungitur cæcæ naturæ: aliâs omni temperaturæ adhiberi poteſt: vt quæ nullius indiga ſit auxiliij, vel temperationis, vel moderationis etiam in cordis imbecillitate, aut mœſtitiæ affectibus: vt videre eſt in aromatum præſuaui facultate, aliâs verò poſtulant, vt miſceantur

Myroba-  
lani em-  
blicæ.

Succinū.  
Doroni-  
cum.

Caphura.  
Aromata.  
Bugloſ-  
ſum,

Lapis cæ-  
ruleus.

Miſtio.

Proprie-  
tas.

Hiacyn-  
thus.

Moſchus  
odoratus  
Ambar.

Mariana  
malâ.

Aromatū  
ſuauiſ  
odor.

sceantur cum alio ad temperandam vim. Succus maiorum Matianorum quidem, aut syropus ex eo factus interdum exhilarat, interdum verò haudquam. Qui enim syropum frigide naturæ propinare volet, cum concalfacientibus rite eius algorem temperabit. fiet autem excellētius & nobilius præsidium, si addatur quod calfacit, & cæca proprietate exhilarat. Exempli gratiâ: Præstantius erit auxilium syropus Matianorum, cui momentum moschi, aut ambaris inditum & adiectum fuerit. Certum est quoque ea, quæ substantiæ corporis familiaria sunt, à natura nostra avidius, celerius, & facilius attrahi. Aromata atque dulcia ab olfactu gustatūque expetuntur, & attrahuntur. Quare duorum æqualium & similium medicamentorum efficacior erit vis huius, cui plus aromatis inerit. Attractrix enim partium facultas gratius, suavius ac magis libèter admittit, atque excipit: indeque spiritus, si adsit alendi potentia, nutritur, recreatur, & instauratur: & quatenus est medicamentū corpus ocyus adficit. Aromatū quidē essentia vaporosa & fumida existit, dulcium autē spissa terrestriſq;. idcirco aromata spiritui alendo magis idonea sunt, dulcia corpori nutriendo. Nos itaque alimentis quæ cordis affectib. vtilia censentur, plus inesse virium aromaticarū quàm dulcedinis volumus: Cor enim fons & scaturigo existit alimentorum spiritus. Iecur, quoniā principium est generationis nutrimenti, corporis, postulat alijs quæ dulcedinis plus, minus verò amaritudinis obtineant: huic tamen aromata idonea cōmodāque sunt eximīa. quando quidem spiritus naturalis sit fons & origo: quanquam si veritatis quibusdam

Exemplū  
à malis.

Aromata  
dulcia.

Aromatū  
essentia.

Dulcia.

Alimēta  
Cordis.  
Cor.  
Hepar.

dam studiosis fides adhibetur, non fontē originēve dixisse oportet, sed tantū conceptaculum, atque sedem spiritus naturalis hepar appellabimus; medicina tamen aliter sentit. Spiritus naturalis odora & suavi aromatu facultate delectatur, recreatur simul ac roboratur vt familiari gratāque: proinde vires naturales firmari atque corroborari eadem opera existimā dum erit. Cæterū, quoniā de proprietate suprà non-nihil attigimus, par est vt fusiū & explicatiū de ea disseramus. Est autē proprietas (vt verū fateamur) nihil aliud quā natura: natura autē, est motus quietisq; initium, rerū actionūmq;, quę ipsīs rebus insunt, propriæ, & peculiare. Tamen differre proprietas à natura dicitur, quemadmodum proprium à communi. at plebei philosophi aiunt discrepare inter se vt opposita: quod equidem à vero longè abest. Cæterū, ab elementis ex quorum temperatura & mistura constituntur ea, quę generationi interituque sunt obnoxia, primò quidem oriuntur quędam facultates, quas agentes appellant: vt scilicet ab aëre, terra, aqua, igne, quatenus sunt simplicia. Deinde alię sunt potentie in commissis, adepta scilicet temperatura, quā ad suscipiendum aptiora corpora redduntur. Porro duę sunt hic sectę: quarum altera censet dispositiones formarū statim in generatione ipsa adquiri: Altera verò putat eas inesse ab ortu materie. Indubitatum autem est, in compositis & mistis à forma potetiam emanare, quę in simplicibus non adest: sed aptior fit ad recipiendū post simpliciu misturam. id quod exemplo Magnetis iudicari potest, vt dum in eo spectatur vis attractrix ferri: quam quispiam dixerit ab elementorū simplic

Proprietas.

Differētia.

Agentes facultates.

Duę sectę.

Magnes.

Quæstio  
de igne.

Opinio  
quorun-  
dam.

plijci virtute proficisci, hoc est à summa illa & diuin<sup>a</sup>  
prouidentia, quæ facultates omnes de potestate ad a-  
ctum adducit, vel vt in elemētis reperiuntur: vel vt in  
mistis. Ipsa equidem à cœlo infusio, haud facultas est,  
nec forma ipsius: verum ad suscipiendas vires aptitu-  
dinem præstat. Quæritur quandoque, cur ignis deu-  
rat? Cui quæstioni aliter respōderi haud potest, quàm  
propter calorem, quo nihil aliud significatur, quàm  
quod ignis à natura vim habet comburendi. Confi-  
militer, si quærat, cur Magnes ferrum trahit, quid  
rectius dici poterit, quàm dicere, Magnetem naturā  
huiusmodi potentiam obtinere? vnde, qui compertū  
habet ignem, ob calorem vrere, non indoctus censerī  
debet: sed rerum naturæ prudens. Idem de Magnete  
iudicādum. Facultas in igne adurens aliud quidē no-  
men sortita est proprium: verum non alia est, quàm  
in Magnete. Quidam vulgaris doctrinæ homines, a-  
liud quiddam adferunt: non contenti iis, quæ suprà  
declarauimus: volunt nanque omnem actionē à cor-  
pore prodeūtem, fieri aut à caliditate, aut frigiditate,  
aut siccitate, aut humiditate, aut grauitate, aut leui-  
tate, & id genus aliis, quæ in simplicibus inueniuntur  
corporibus. quare si rationem proferas non manife-  
stam sensibus, & quæ alicui dictorum non attribua-  
tur, censent principia quoque esse incognita: quod  
tamen falsum esse existimamus. Quippe eruditus vir  
fatis nouit, quod illa potentia vel à facultate natura-  
li, vel animali, vel intelligendi, vel accidentali venit.  
Et quæ à nonnullis Magneti attribuuntur, quod vi-  
delicet sua caliditate trahat ferrum, vel frigiditate, vel  
vti animatus, vel cum emissionē corpusculorum in-  
star ha

star hami aduncorum, vel similitudine, quam cum  
ferri natura obtinet, vel cum inanitate, quæ infit ei, fal-  
sa omnino asserimus. nempe Magnes vim illam à tē- Falsæ opi-  
peratura sortitur, quemadmodum stirpes nutriendi niones.  
facultatem à temperamento nanciscuntur. Hic igno-  
rantia duplex est. Vna, quæ principia agentia & gene- Ignoranti-  
rantia talem facultatem haud nouit: & hæc quidem a du-  
non magis conuenit aliis naturis percognitis. Altera, plex.  
quādo dubitatur de causa propter quam vnū quā  
aliud potius suscipiat hāc potentiam. Et ista quidem  
non magis est peculiaris huic quā ceteris rebus non  
cognitis. Sic enim colores odorēsque ignoraremus, itē  
animæ potentias, & similia. Quæ omnia suum esse  
à principiis agentibus assumere nouimus: quorum  
causa & author est Deus ille summus opifex. Hæc sim- Deus.  
pliciū proportio, facit temperaturā: sed quādiu inter Tempe-  
homines viuemus, ignorabimus simplicem propor- ratura.  
tionem misturæ. Patet igitur causas potentiæ Magne-  
tis non admirabiliores esse, quā causas ruboris aut  
nigroris, aut alterius cuiusuis coloris: verū assueta Assueta.  
minùs miramur, indulgentiùsque cōtemplamur: rara Rara.  
autem admirabilia sunt, excitantque nos ad conside-  
rationem causarum. Itaque strictam colligimus pro- Proprie-  
prietatē esse naturam inuentam in mistis corporibus tas quid.  
quæ quidem à superna & diuina benignitate emanat,  
tum etiam à temperamento peculiari quod particu-  
larem & propriam facit dispositionem: differt nihilo- Differē-  
minus à natura. Proprietas enim appellatur & dici- tia.  
tur, facultas quæ in mistis reperitur corporibus: à qua Proprie-  
transit in illa corpora operatio insueta: quin & inco- tas.  
gnita quantum ad manifestam cognitionem: natu- Natura  
ra verò quid



Ignis frequentia.

Ignis vis admiranda.

ra verò facultas est, qua simplicia agunt corpora. Vides igitur quò procedat imperitorum & plebeiorum de iis perscrutatio. Haud sanè dubiū est, ignem fore admirabiliorem vulgo, si aut ex lōginquo & externo orbe ad nos deportaretur: aut si rarus inuentu esset. Et quidē eius proprietates admiratione digna est: quae ferē cuncta domantur: & sine qua, vita humanior vix constare posset. Profectò in raritate illius & plurimae & maximae quaestiones exurgerent, quando scilicet actionum ignis miracula pro ingeniorum captu excuterentur. Etenim de potestate in actum visionē trahit, tactum arcet, sursum fertur, ferri que cogit, quae ab ipso vincuntur. Quid mirabilius, quòd vnā huius scintillulā maximae vrbes possint conflagrari, atque etiam sylvarū saltūsque ingentes? cuncta enim ferē quae attingit, exest, atque in suam essentiam trāsmutat: & quod singulariter mirandum, quando quid ab eo detrahitur, minor tamen nō redditur. Hec qui non oscitāter perpendunt atque considerant, longē excellentiorem huius facultatem, quā ipsius Magnetis inuenient, aut aliarum rerū huiusmodi. Verū quoniam vsitatissima sunt & domestica, minus admirationis obtinent: atque etiamnum leuius contemplan-  
tur. Raritas rerum, vt Magnetis, adducit nos in admirationem, deinde in speculationem & perscrutationem: quippe & philosophia inde cœpit.

### *Operationes medicamentorum.*

**O**PERAE PRETIVM fuerit explicare speciatim operationes medicaminum, quae cordi vtilia & amica existunt

existunt. Etenim per plenè de ijs cumulatissimèque  
 differendum. Prius tamen quàm id aggrediamur,  
 conuenit vniuersim de qualitatibus omnium medi-  
 camentorum scribere. quippe ipsis medicaminibus  
 qualitates quædam adsunt primò, & per se: vt calidi- *Qualita-*  
 tas, frigiditas, siccitas, humiditas, tenuitas, crassitu- *tes.*  
 do, lentor: quin & colores, & odores: aliæ verò ab  
 affectu, quem corporibus adferunt, attribuuntur. Ca- *Calidum*  
 lidum medicamentum dicitur, quod adhibitum cor- *medica-*  
 pori, calefit à potentia eius naturali primò: mox ve- *mentum.*  
 rò ipsum corpus excalfacit. idèmq; de frigido, hu-  
 mido, siccantèque censendum. Tenuæ autem, quod *Tenuæ*  
 celeriter, in tenuia appositum, soluitur, vt cinnamo-  
 mum, accrocum. Crassum, quod id perpeti nequit, *Crassum.*  
 & contraria prædicto præstat, qualia sunt cucurbita,  
 & gypsum. Coagulans quod frigore coneretur, li- *Coagu-*  
 quatur calore: & quod calore fusum, algore con- *ans.*  
 crescit: cogiturque fluidum ac liquidum: cuius par- *Fluidum.*  
 tes facilè à loco mouentur, abeuntque. Lentum, *Lentum.*  
 quod distenditur, absque intermissione: Comminu- *Commi-*  
 bile, vt ita dixerim, quod à leui causa in minimas *nubile.*  
 portiunculas partitur: At sapor, odorque fati no-  
 scuntur. *Qualitatum*, quæ medicamenti attribuun- *Sapor.*  
 tur ab effectu, quem in corpore relinquunt, quas *Odor.*  
 dam sumi oportet ab actione absoluta: alias ve- *Effectus.*  
 rò ab actione relata speciatim ad nonnullas partes.  
 Primæ igitur sunt, quum dicimus, medicamentum *Qualita-*  
 attenuans, aperiens, relaxans, incidens, abster- *tes pri-*  
 gens, attrahens, mordens, dissoluens, asperum, rubri- *mæ me-*  
 ficans, vlcerans, pruritum excitans, adurens, corro- *dicamen-*  
 dens, putrefaciens, escaram faciens, concoquens, di- *torum.*  
 gerens

- gerens, inflans, flatum discutiens, & cætera. Sunt verò & aliæ qualitates, quum dicimus, medicamentum purgans, sudorem prouocans, vrinam ciens, vomitorium, adstringens, obstruens, cicatricem inducens, sarcoticum. quæ singillatim declaranda duximus.
- Medicamentum attenuas.** Attenuans medicamentum est, quod succi substantiam tenuem reddit, leniter scilicet soluendo, ac cum calore temperato. Discutiens, siue Dissolvens, quod ob insignem caliditatem, humorem in vaporem abire cogit, illumque euocatum depopulatur. Abstergens, quod à partium superficie, & osculis meatuum (Poros vocant) lentas concretasque humiditates aufert. Asperans, quod partem diuersarum partium efficit, quo ad situm. Fit autem absterforium exasperans, quando adplicatur parti solidæ substantiæ: cuiusmodi sunt os, carthilago, neruus. Aperiens est, quod non solum meatuum ora recludit: verum ea, quæ intus, & in alto sunt, foras euocat, atque elicit.
- Laxans.** Laxans, partium essentiam (quæ scilicet meatus densos obtinent) leniorem reddit calore humiditatēq; unde expulsio superuacuum in ipsis contentorum.
- Lauans.** fit lenior. Lauans abstergit, sed non id quidem agente facultate, sed patiente, hoc est, humiditate: quæ per ora meatuum discurrens, lenit humores lentos coactosque, qui illic adsunt: misceturque ijs, quia lubrica: cuius generis est aqua hordei. At si cōiunctam absterforiam vim habeat, lotrix illa potentia validior erit: huiusmodi verò est aqua saponis. Incidens, tenuium est partium: quod subire potest tum partes ipsas, tum humoris lenti superficiem, eaque separare: opponiturque emplastico obstruentique vt crasso tenue. Attrahens

trahens sua insigni vi succos intus latentes euocat, & Attrahēs.  
 id aliàs proprietate, aliàs caliditate. Calor quidem  
 soluit ac liquat, & in locum humiditatis fusæ succedit  
 alia, vt vacuum vitetur. quin & rarefacit: ideoque at-  
 tractio ad inane implendum fit. Calor item dolorem  
 mouet, dolor verò attrahit ad locum affectum, & Dolor.  
 partem illam imbecillio rem efficit, & proinde prom-  
 ptio rem ad fluxiones suscipiendas. Mordens subit Mordēs.  
 tenuiter, continuè que solutionem adducit multifa-  
 riàm. Et quanquam exiguum sit: tamen adpositum,  
 dolores excitat. Rubrificans, quod partem cui adhi- Rubrifi-  
 betur, suo feruore immoderato exca lfacit, vsq; adeò, cans.  
 vt euocetur sanguis subtilis foras ad cutem: vnde ru-  
 ber fit locus. Talia sunt, quæ ex synapi conficiuntur  
 (synapismos appellant) & ster cus columbarum a- Synapif-  
 gressum: quæ quandoque vicem cauterio rum im- mos.  
 plent. Exulcerans, quod adeò potenter partem ru- Exulce-  
 brificat, vt liquet humiditatem occurrentem, in- rans.  
 dè que v lceret: quippe trahit excrementa ad locum.  
 id genus est Anacardus: pruritu m excitans facultate Anacar-  
 acri & calida, succos mordaces elicit ad meatus: sed dus.  
 tamen v lcerare minimè valet, vt Sagapenum. Adu- Pruritu m  
 rens, quod in succis exhalationem parit: relinquitque excitans.  
 vstoru m cinerem in corpore: cuiusmodi esse Euphor- Sagape-  
 bium constat. Corrodens, quod liquando & v lce- Adurens.  
 rando carnis essentiam absumit. Putrefaciens, quod Euphor-  
 partem corrumpit, fundendo spiritum natiuu m, ca- bium.  
 lorè m que ipsius discutiendo: & id neque rodit, neque Corro-  
 adurit, neque dolorem concitat: sed humiditatem dēns.  
 relinquit: in quam agit calor præter naturam. & hæc Putref-  
 humiditas ita calefacta, putrefactio appellatur. Talia Putredo.

**Cauterifans.** verò sunt Sandaracha, Arsenicū, & Aconytum. Cauterifans siue crustam faciens, cutem vrit, eiúsque absumens humiditatem, corrugari cogit: eo modo quo igne combusta retorridaq; spectantur. proinde cutis essentia efficitur obstruens meatum succi fluentis. At

**Purgans.** purgans medicamentum bifariam dicitur: aliàs enim quod communiter de omni, quod quouis pacto animalis excrementa expurgat, aliàs per excellentiam de ijs intelligitur, & dicitur solummodo, quæ aut per aluum, aut per vomitiones purgant corpus. Quæ autem purgant, ipsa vim trahendi obtinent: hæc quidem vnum, illa autem duos aut tres succos trahunt:

**Vrinam cientia. Menses.** & purgant familiares. Vrinam verò mouentia plurima sunt. Nam & quæ menstrua citant, lotium quoque eliciunt, & ea calefaciunt quidem satis violenter, sed non perinde desiccant. Sunt etiam quædam modicè calida, quæ tamen minimè siccent. Porro sunt quæ peculiariter vrinam prouocare animaduertimus: quæ tum arefaciunt, tum calefaciunt: & hæc menses haudquaquam promouent, sed solam

**Sanguis.** vrinam: acria verò sunt propter calorem. Sanguis verò tum extenuatur, tum funditur, ac secernitur ab ijs: serum enim sanguinis segregant, ac cogunt crassum. Ex nuper cōmemoratis medicaminibus alia quidem remedijs affectuū cordis vtilia sunt, alia verò haudquaquam. Quæ verò vtilia sunt, primam

**Vtilia cordi. Purgantia.** explicare oportet. Purgantia itaque cor bifariam corroborare certum est: quippe noxiorum succorum euacuationem præsertim moliuntur: aut ab vniuerso corpore: aut à parte aliqua, veluti cerebro, hepate, aut alijs. Secundò auxiliantur cordi, quando

Illa quidē euacuatio non expetitur: sed sanguinis (qui Sanguis  
 inest cordi) expurgatio: vt deinde spiritusynceri, pu- qui in  
 riq; gignatur. profectò id præstatur, quando Cyaneu cordē.  
 lapidē aut Armenium cordis medicamētis adiicimus: Lapis cy-  
 aneus.  
 quorum facultates ad cor perueniētes tantam firmi- Arme-  
 tatem huic addunt: vt postea facile propulset succum nius.  
 atrabiliarium, secernatq; à sanguine. Quin & halitus  
 vaporosos, & melancholicos discutit. Quo etiam ef-  
 ficitur, vt non minimū cerebro ab huiusmodi cor-  
 dis robore commodū accedat: sed noxa, quæ à pur Incōmo-  
 gantibus remedijs cordi aduenit, haud exigua est. pur dā pur-  
 gatio etiam solet duplex incommodum adferre. gationis.  
 Vnum, & primum, quòd simul cum inutili vtile ac vi-  
 tale excernitur. Alterum, quòd attrahendo à parti-  
 bus, quod graue erat atq; noxium, in alias decubere  
 parteis facit, atq; illic figi: ideoque tunc corpori imbe-  
 cillitas & pigritia contingit. verū aduersus immo-  
 dicā purgationis mala Theriacen exhibere, præsen- Theria-  
 tissimum erit remedium. Quin & antidotus illa Mi- ce.  
 thridatis tantopere celebrata, eximie auxiliabitur, Mithrida-  
 aliaque antidoti, de quibus in libris nostris, quos De tis anti-  
 antidotis conscripsimus, vberius disseruimus. The- dorus, &  
 riace vomitiones aluique profusiones compescit, fir- eius vsus.  
 matque vires: atque si quid deleterij adfuerit, pur-  
 ganti medicamento, quod visceribus adhaereat, ex-  
 purgat depellitq;. Hippocrates rectè prædixit ac ve-  
 rè, purgans medicamētum tum euacuare tum nocere,  
 & senectutem immaturā adferre. Porro præstan-  
 tius auxiliū purgatio subministrabit iis quos mœsti- Mœsti.  
 tia affligit: quàm ijs qui corde sunt imbecilliori, nēpe  
 mœstorum spiritus impuros expurgat atque minuit.

At cordis temperamentum vitiat, ipsūque viscus debilitat. Præterea, urinam mouentia, atque ea, quæ sudores cient, vtilia esse cordis imbecillitati comperimus: quam sanguinis tenuitas atque aquositas (vt sic dicam) efficit. Sunt autem aduersa mœstitiæ affectibus: qui ex crasso turbidoque & attribilario sanguine oriuntur: quippe tum crassio rem tum sicciorem sanguinem efficiunt, quin & turbidiorē

Sanguinis  
vacuatio.

Cordis  
tremor.

& magis melancholicum. Cæterum, sanguinis vacuatio imbecillitati cordis, quæ paucum & frigidum sanguinem consequitur, noxia omnino erit. Contra illi, quæ à caloris natiui strangulatione & immodico sanguine aduenit, præclarè succurrit. Id verò in quibudā cordis tremoribus euidenter spectatur. Externantia commodè miscentur medicamentis, quæ dari conuenit mœstitiæ ex turbido sanguine exorta: itēque infirmitatibus cordis à crasso gelidoque sanguine factis. Sunt autem ista quæ impediunt ne multus temperatusque spiritus gignatur. Quin etiam abstergentia & aperientia miteri quoque vtiliter, experimento multo didicimus, vt videlicet permeare cogant ad cor auxilia, quæ minimè subire ac penetrare possent. Cuius generis sunt terra Lemnia, & Succinū.

Terra le-  
mnia.  
Succinū.  
Flatuosa.

Adhæc, flatuosa mirificè noxia sunt mœstitiā tentatis, & cordis imbecillitatibus: quandoquidem immodicis inutilibusque, & alterari vinctique contumacibus vaporibus, spiritus implent. Atque eodem modo, quo partes offenduntur ab excrementis superuacaneis, eodem spiritus à flatum parientibus læduntur. Etenim caliginosi spiritus inde fiunt, & grauiores minúsque apti ad suas facultates & opera. porro hæc

vitia

vitia mœsticia cordis infirmitati coniuncta, sequi so-  
 let. Adstringentia autem & lenta, haud inutiliter ad- Adstringentia.  
Lenta.  
 duntur cordis præsidjs: vt scilicet spiritus vnitos &  
 coactos detineant ac conseruent, & efficiant, ne à leui  
 causa agitationis huc vel illuc vagentur & disgregen-  
 tur, dissipenturve; præclarius opitulantur cordi infir-  
 mo, quàm mœsticiæ: quippe hæc ex crasso, turbido & Mœsti-  
 caliginoso crebrius oriri sanguine spiritūque vide- tia.  
 tur. Cordis verò imbecillitates, tenuitas sanguinis Cordis  
 atque spiritus frequentius commouet. Repellentia infirmi-  
 admouentur cordis affectibus: vbi cor à calore in- tas.  
 temperato inualidius fit.

Stupefaciens additur, ne vis medicamentorum, Stupefi-  
 quæ affecto cordi adhibentur, in itinere ipso ante- ciens.  
 quàm ad cor perueniat, pereat: atq; itē in ipso viscere  
 tandiu moretur, donec auxiliij vim sentiat. Est autem  
 id generis Opium. Cæterum, adnotasse hîc oportet, Opium.  
 cuncta medicamina, quæ corroborant singulari  
 quadam potentiâ venenis aduersante, misceri affe- Venenis  
 ctuum cordis remedijs. Adhæc, hominum naturæ aduer-  
 ac vitæ ( cuius fons atque origo cor habetur ) sunt santia.  
 eximiè amica ac familiaria, quæ sua peculiari & insita Cor.  
 proprietate cor omnino tuentur, cauētque ne ma-  
 ceretur venenorum tabe. Ex horum albo Doroni-  
 cum, Moschus, Ambar, & similia existunt. Verum  
 (vt summatim perstringam) quæcunque exhilarant,  
 atque cor corroborant, venenis repugnant. Sed non  
 continuò omnia, quæ venenis aduersantur, exhilarare  
 pronuntiandum est: quoniam inter hæc, quæ-  
 dam immodicè sunt calida: veluti Castoreum: quæ- Castoreū  
 dam vehementer frigida, vt succus lactucæ, & semen Lactucæ  
succus.



Deleteria.

portulacæ quoque. Hæ verò qualitates medicamentis variè conueniunt. Deleteria vel qualitate sola, vel tota substantia & qualitate simul coniuncta nocent. Adhæc, fortè conuenit atque est necessarium, vt quod contra venena prodest (siue ea calentis, siue gelidæ fuerint naturæ) eximiè excalfaciat, pluribus de causis. In primis, vt sit spiritus vehemens mortis: deinde, vt longiùs diffundatur ad expugnandum & hebetandum, propulsandumque foras atra venena: priusquam cor inuadant & afficiant: postremò, vt adurat atq; absumat ocyùs deleterij vim pernicialem, nec tamè spiritibus noceat, sed potius foueat, ac tueatur po-

Vomitū concitās.

tentia illa, qua repugnare venenis existimatur. Quod vomitum concitat, cordi ob id cōferre censetur: quoniam spirationem leniorem atque liberiorē facit: unde ipsum viscus postea meliùs ventiletur.

Discutientia.

Quæ discutientia vocitatur, infirmo cordi mirificè aduersa sunt, & mœstitiæ inutilia: nisi à crasso gelidoque spiritu ortum habeant, & in corde cōtineantur succi flatuosi. Equidem incommoda existunt cordi imbecillo: quoniam dissipāt spiritus paucos ac tenues. id enim quod discuti contingit, cuiuscunq; sit essentia, flatus halitusque naturam repræsentat: mœstitiæ verò inutilia ob id erunt, quòd quando à paucò spiritu nascitur, qui facilè discutitur, minor spirituum moles fit, atque etiam tenues & sereni spiritus obturbantur spifanturq;: quia quod subtilius inerat, abigitur. proinde si quando vñs eorum necessarius sit, misceri corroborantia oportet, & adstringētia & lenta. Hæc autem sumi debent ex materia cordi amica, cuiusmodi esse myrthum, & myrobalanos chebulas constar.

Simplicia



## SIMPLICIA ME-

## DICAMENTA

*Cordiamica.*

### AMBAR.

**D**E Ambare fusiùs in libris De simplici medicina, differuimus, & quid esset, docuimus: nunc quæ huic negotio conueniunt, tantùm exponemus. Ambaris igitur natura calida est, atque sicca, abscessu secundo: quin & singulariter exhilarat, & cor roborat: quæ quidem efficacius potest propter odoris suauem gratiam. Spirituum præterea essentia omni confert, & cumulationem reddit: principibus autem corporis partibus vtile atque amicum est. Porro tenue, & lentum & firmum est, moschôque magis temperatum.

### *De Auro.*

**A**V R V M inter hyacinthi, argentique doctes, medium quodammodo esse videtur: sed nihilominus hyacintho inferius, argento verò præstantius censetur. Et quanquam temperatum sit: ad calorem tamen proximè accedit. Sed à proprietate effectus mirabiles in cordis affectibus subministrat.

*De*

*De Argento.*

ARGENTVM quadamtenus refrigerat:  
atque fíccat, eadéque potest quæ hyacin-  
thus, sed multò imbecillius.

*De Oxalide, quæ vulgo Aceto-  
sa dicitur.*

OXALIS etsi temperatura ad mâlicitrini  
succum propè accedat, nec videatur eo in-  
ferior : tamen eius proprietas multò est  
obscurior.

*De Agarico.*

AGARICVM quid sit, notum est. Hu-  
ius autem temperamentum calidum ac sic-  
cûm, venenisque omnibus aduersatur.  
Quin & ob tenuitatem ( quam à calore nanciscis-  
tur, aperiendi vim non obscuram obtinet, & ex-  
purgandi succos turbuléntos : quibus sanè cor exhi-  
larat & roborat.

*De Basilico siue Ocymo.*

CYMVM, est ex primo ordine calfacien-  
tium atq; siccantiû: pariter odoratum, simul  
ac adstringens. Parit autem lætitiâ pro-  
prietate : cui auxilia sunt, odoris excellentia,  
adstrictio

adstrictio, & tenuitas. Veruntamen (vt verè loquamur) vius eius frequens parum commendatur ad hilaritatem mouendam: quandoquidem id quod alit, aduersatur viribus: quas (vt medicamentum) præstare diximus. Etenim si pro cibo sumatur, sanguinem turbidum, atribiliariumque generat. præterea, sua excrementitia humiditate flatus in venis excitat. quæ noxia esse non est obscurum.

*De Been utroque. Behennum  
alij dicunt.*

**B**EEN duplex inuenitur: candidum ac rubens. vtrunque tamen calefacit, atque siccatur: sed rubrum calidius quidem est. vtrique adstrictio, tenuitas, & aperiendi facultas. Quibus ad hilaritatem ciendam, & cor firmandum iuuari proprietatem aliò qui eximiam certum est.

*De mâlo Citrio.*

**C**ITRIVM mâlum, vel (si mauis) medicum, vulgarissimæ est notitiæ. Cuius corium inter ea reponitur, quæ pariunt lætitiâ, & venenis repugnant: quam proprietatem calor quo præditum est, mirè adiuuat. Calet abscessu tertio, atque arefacit. Porro folia florésque viribus huic proxima sunt: verùm tenuitate præstantiora. Cæterùm, liquor acidus, cordis intemperaturam calidam siccâque mirificè leuat ac recreat: moribusque

būſque beſtiarum venenatarum egregiè opitulatur. Vis autem eius refrigerat, atque arefacit abſceſſu tertio. Semen verò contra venena præclarè facit: robūſque cordi adiicit: quippe ſpiritus ſolidiores efficit: ipſum autem in albo tertio abſceſſu refrigerantium ſimul ac ſiccantium conſiſtit.

### *De Coralio.*

**C**ORALIVM, abſceſſu primò refrigerat: ſiccat verò ſecundo. At peculiariter cordi amicum creditur, hilaritatēque facere. adiuuatur autem nobilis illa Natura ab adſtrictione & abſterſione quæ huic adſunt. Quin & ſpiritus ſplendidioreſ firmioreſque efficit.

### *De Cinnamomo.*

**C**INNAMOMI vires in lætitia promouēda ſingulareſ promittimus. Calet abſceſſu tertio, ſimulque exiccāt: ac mediocriter adſtringit. Hoſ verò effectus reddunt efficaciores odor, ſummāque ipſius partium tenuitas. quæ equidem faciunt, vt non minùſ opis præbeat, quàm ipſa Theriace.

### *De Croco.*

**C**ROCVS ſecundi ordinis eſt concalfacientium, arefacientium autem primi. Proinde concoquendi vim obtinet: quæ adſtrictione  
& di

& diffusoria potentia adiunatur : cordi in primis roborando vtilis. Quin & peculiariter essentiam spirituum recreat, instauratque, illustrat, & serenat, diducit, pariterque solidiores præstat. id quod summo odori acceptum referunt: quippe quod hilaritatem vel eximie concitet, notissimum est. Si edulys immodicè adijciatur, spiritus præter modum diffundit, elicitque foras. Quo fit, vt iam non alimentum, sed medicamentum etiam exitiale & mortiferum sit. modi autem dationis huiusmodi, ne meminisse quidem, nedum docuisse oportet, ne venefici utantur.

### *De Caphura.*



**C**APHURA, tertio ordine fræget, siccatque: spiritus autem essentiam feruat, ac tuetur, si modus adsit. Auxilio item est spiritibus à calida intemperie vitiatissimis dissipatisque: odore autem omnem intemperaturam ocylus adiuuat. Sed huius aliorum temperatur Ambare ac Moscho: siccitas oleis humectantibus atque odoratis: cuiusmodi est violarum lutearum. Præterea, venenis calidis inimica est: spiritusque splendidiore & tenuiores facit. Pariter quoque lætitiā adfert, & cordi robor: quos eisdem effectus potest præbere Succinum: verum inualidijs.

Violæ  
luteæ.

Succinum.

### *De Corianno.*



**C**ORIANNVM, siue Coriandrum, vim obtinet refrigeratricem abscessu secundo, siccantem verò altero, vel (vt alij) tertio. Potest autem

autem proprietate sua tum cor firmare, tum exhilarare. Sed ante cuncta, visceris calentem intemperatam hebetat ac lenit: odorem enim, & adstrictionem habet.

### *De Calamintha.*

**C**ALAMINTHA, spiritus qui in cerebro consistunt, præsertimq; pituitosos temperat: quippe insigniter calenti arentique naturâ est: quare in calidioris cerebri affectu obtundi postulat. Id autem contingit, si cum oleo violaceo temperetur. sed ne omnino odor aboleatur, studiose cauendum. At illa (quod equidem legerim) spiritibus cordis parum opitulatur. Verùm ex ijs, quæ dicta sunt, aliquid prodesse, intelligere possumus.

### *De Casia.*

**C**ASIA fistula, quam ligneam aliqui vocant, eadem ferè potest, quæ cinnamomum, proximèque ad huius temperaturam accedit: tamen tenuitate à cinnamomo vincitur.

### *De Carne.*

**C**ARO, etsi alimentum simpliciter dicatur: aqua tamen eius imbecillitati cordis utilis est. Quæ si ex carnibus boni succi paretur,  
de

(de quibus alibi plenè differuimus) præstantissimum erit remedium in cordis imbecillitate. Quæ si contingat à spiritus paritate & inopia, carnes valentioris nutrimenti, probèque succi adsumemus, quando verò à spiritus crassitudine, turbulentia, penuriaque generatur, leniter alentes, & facillimè concoctæ carnes perutiles sentientur. Medicorum quidam falso existimarunt aquam carnis, eam esse, in qua carnes Error incoquantur. Etenim reuera est liquor ille, qui ex quorū- carnibus minutatim concisis & percoctis effluit, atq; dam exudando relinquatur, qui postea expressus excolatur & propinatur.

### *De Doronico.*

**D**ORONICVM, calidum ac siccum initio ordinis secundi, cordique in primis amicū, tum roborandi potentiā, tum exiliandi. Quin & venena debellat omnia: quando verò feruorem huius reformidamus, malorum Marianorum succo admiscemus. Præterea, in affectibus cordis calidioribus additur momentum caphuræ: vt remittatur calor, nec tamen aboleatur proprietatis ipsius facultas.

### *De Emblycys myrobolanis.*

**D**E horum temperamento non conuenit planè inter medicos. Sunt, quorum est numerus maior, & opinio rector, qui frigidos siccosque putant: sed & hi inter se dissident. alij enim



enim in primo abscessu eos collocant, quidam in secundo: nos vero in fine primi ordinis refrigerantium ponendos statuimus, & in secundo siccantium. hæ adstrictionis auxilio non parum cor recreabunt.

**Isaacus** Hebræus Isaacus scripsit (ut ferunt) calidas esse. **hebræus.** Si affectibus gelidis exhibere oporteat, modico temperentur calore. Quin spiritus condensant atque confirmant. Mœstitiæ, quam spirituum tenuitas adfert, opitulantur. Etenim prohibent ne dissipetur celeriter. Præterea, memoriæ atque menti utilissimas esse compertum est: quippe non solum cordis viscus expurgant ac corroborant, verum etiam cætera omnia interna.

### *De Cicorio.*

**CICORIVM** agreste in paucis, repugnat venenis. Cordis item affectibus huius decoctum prodest, vel extra impositum. Vis autem refrigerans atque siccans.

### *De Pistachijs.*

**PISTACHIIS** inest odor aromaticus, & adstrictio cum quodam lentore: essentiâque obtinent tenuiorem: quare cordi grata esse in primis pronuntiarunt medici, cæterisque visceribus haud vulgariter conferre. Præterea, siue edantur, siue potu sumantur, resistere venenis exploratum est.

De

*Isaacus Hebræus*

*De Hyacinto.*

**H**YACINTHVS, temperata est natura, inestque ei proprietas corroborandi cor exhilarandi que, omnibusque venenis repugnandi. sed hæc proprietas id genus est cuius nuper diximus proprietatem Magnetis. Cæterum, quæ in Proprietate vniuersam huius gemmæ contemplatione examinanda sunt, impræsentiarum explicabimus. Absurdum igitur asserimus, credere hyacinthum intro datum, à calore nativo transmutari dissoluique, & spiritum essentia exhalabili, euaporabili que commisceri. quod tamen croco & similibus accidere nouimus. Attamen eius essentiam ab innato calore parti fatendum est: vnde postea effectus eius emergant & manifestentur. Sensibus quidem patere potest hyacinti substantiam vix ab insito calore adfici. Ideoque credi posset calorem illum nec adficere huius essentiam, nec accidentia, quæ formæ ipsius inhaerent, sed solum quantum ad prædicamentum Vbi, agere: quippe vnà cum sanguine facit subire atque penetrare ad cor. Proinde quò propius venerit, eò validius agit, & suos effectus patefacit. Agit etiam qualitatibus accidentalibus, nempe excalfacit hyacinthus, excalfactionis autem potentia est, vt manifestet proprietatem, & eliciat vim: id verò in Succino satis liquet; quod paleas minùs validè attrahens, fricatur. qua frictione incalescit: validiusque tunc paleas rapit. Igitur illo attritu vim concalfactoriam concipit: qua id potest præstare excellentius, quàm antea. Huiusmodi verò erit hyacinti

D potestas

potestas effectusque. Porro eius tum proximitate, tum longinquitate distabunt. Etenim quò propior aderit, eò celerius & efficacius aget: itemque quò distantior, eò tardior & inualidior erit. Quod autem ab antiquis proditum inuenimus, hyacinthum gestatum, aut ore contentum, exhilarare, indicio magno est, ad lætitiā gignendam, alterari eius substantiam, haud necessarium esse, nec quæ ei insunt accidentia. Quinetiam non esse necessarium, ut quod patitur, ab ipsa tangatur. Satis vique erit, vim hilarandi quæ ab hyacintho emanat atque inspiratur, passim attingere: quanquam effectus roborentur & adiuuentur excafectione atque propinquitate, quemadmodum cæterorum, quæ agere proprietate diximus, Sed huius gemmæ proprietatem haud obscure promouent vis abstergendi, & spiritus illustrandi, itēque temperatura moderata.

### *De Succino.*

**S**VCCINVM ordine primo calet: siccatur secundo. Nonnulli tamen putarunt esse frigidum. Refert autem quadamtenus odorem Caphuræ. Cordis robori mirè confert, & hilaritati, temperatque spiritus, solidioresque efficit.

### *De Buglossa.*

**B**VGLOSSVM abscellu primo calidum, humidumque collocant: cui peculiare inest, hilaritatem præstare: quoniam (ut aiunt)

cor

corexpurget. Commendatur in primis, quod Corinthæ ad nos importatur: cuius folia densa, plurimæque lanugine obducta: & quæ siccata nec contrahuntur, nec corrugantur. Nostrates quandam aliam herbam haud quidem abfimilem huic, pro Buglosso vsurpant: quæ eadem ferè potest præstare, sed imbecillius tamen.

*De lapide Armenio.*

**L**APIS Armenius, Cordis affectibus conuenit. Etenim habitus fœcundos & melancholicos secernit, segregatque à mole spirituum. Quin & purgat succum atriabiliarium: qui in vniuerso corpore coartiterit.

*De Cyaneo.*

**C**YANEVS eadem omnia potest, quæ Armenius, veruntamen obscurius.

*De Lazulio.*

**L**AZVLIVS lapis siue Lazurius: quo vocabulo Græci quidam vtuntur recentiores.

*De Irìde.*

**I**RIS croceo proxima est tum naturâ tum proprietate: minùs tamen calefacit ac fìccas atque roborando cordi vtilior est. Crocu-

verò hilaritati conuenientior Iris spiritus cogit: soliorésque seruat: at croco vehementer diffunduntur & foras adducuntur. Porro deliquio animi Iris præclariùs succurrit, quàm crocus: quippe lentius diffundit spiritum, intusque continet.

### *De Agalocho.*



**A** GALOCHVM siue xilo aloës (vulgus Lignû aloës vocat) similes ferè habet effectus quos Ambar: sed tamè imbecilliores. ponit temperatæ est naturæ: visceraque omnia firmat, simulac recreat.

### *De Myrtho.*



**M**YRTHVS videtur ex duabus contrarijs substantiis constare: attamen vincit terrenum frigidum: habet autem tenue quiddam calidum: ideoque valenter desiccat. Est verò odorifera: qua gratiâ spiritibus amica est: quemadmodum & adstrictione atque tenuitate. Expurgandi quoque vim obtinet, & in totum myrthus cordis affectibus mirè confert proprietate, quam adiuuat temperatura.

### *De Myrobolanis Chebulis.*



**C**HEBYLAE Myrobolani ordinis primi sunt refrigerantium, & secundi siccantium, adstringendi item vi præditi sunt. Præterea, purgant

purgant proprietate temperamento iuuante. Ad hæc, Iudæ id quidem validius possunt. vtræq; autem Inde. cordi robur adferunt, ipsūque expurgant: & hilaritatem faciunt.

### *De Apiastro.*

**M**ELLISOPHYLLON calefacit arefacitque abscessu secundo. Huic autem mirabilis inest proprietas: qua & lantitiam pariat, & confirmet: cui auxiliantur egregiè odor, & essentia tenuitas, atque adstrictio: quibus visceribus omnibus, commodum est. Cæterum, vim quādam purgandi leuiusculā obtinet, qua sanguinis cordis, spiritūmq; halitus melancholicos propulsat ac deiicit.

### *De Moscho.*

**M**OSCHVS tertio calefacit abscessu, atque siccatur: eosdēque præbet effectus quos crocus. non tamē crocus pro moscho semper, nec vbiq; substituitur. Aduersatur (si quicquā aliud) aconyto, & histricis aculeorum vulneribus. Temperatur eius calor Caphura, siccitas oleis humectantibus: cuiusmodi sunt rosaceum ac violaceum.

### *De Mimnia.*

**M**IMNIA in fine tertij abscessus calentium reperitur: siccatur verò, vt fertur. Primò huic adprimè singularis proprietas adest in par-

tium vniuersarum corporis robore firmando : quare ex alto lapsis vtilissimè exhibetur. est autem modico prædita lentore.

*De Mentha.*

**M**ENTHA odorata est : habetque dulcedinem amaritudini immistam : cum quadam commoda adstrictione. Quæ cuncta lætitiæ promouendæ conferre certum est. excalfacit autem in fine primi abscessus, arefacit in principio secundi.

*De mâlo Granato, siue Punico.*

**M**ALVM punicum (præsertimq; quod dulce est) spiritibus vtile atq; amicum est: præcipuè verò iocinoris spiritibus commodum.

*De Margaritis.*

**M**ARGARITAE pares sunt succino, tum naturâ, tum vi illustrandi ac claros spiritus efficiendi: veruntamen hæ facultatibus aliis excellentiores existunt.

*De mâlis Marianis:*

**M**ALA Matiana ordine primo refrigerant, paritèrque siccant. Quibus adest proprietas singularis tum præstandi hilaritatem,  
tum

tum cor ipsum roborandi, atque spiritus: quæ ideo validius efficit, quoniam odore, saporisque suauitate adiuuatur. Porro cibus & medicamentum existunt: quamobrem præclare alunt, spiritus fouent, ac temperant.

### *De Nympha.*

**N**YMPHEA ad Caphura vires proximè venit: magis tamen humectat: ideoque spiritus cerebri animales (si quidem humectari non postulent) offendit. pigros etenim torpentesque efficit. at cordis spiritus vitalis magnis à Nympha commodis afficitur: quippe & proprietate, & odore insigniter ipsum recreat. frigus autem quo est prædita, temperatur Croco atque Cinnamomo.

### *De Ovis.*

**O**VA in primis contribui debent ijs alimentis, quæ instaurationi spirituum dissipatorum absumptorumque conueniunt: præsertim verò gallinarum, perdicum, & phasianarum autium: harum enim carnes boni esse succi satis compertum habetur. Cæterum, vitellos in cibos tantum recipiendos censeo: sunt enim temperatæ naturæ, ocyssimèque in sanguinem commutantur: qui ei à quo solet cor ali, cognatus & penè similis sit: tenuis nanque, purus, & serenus existit, statimque cor subit. Adhæc, ouorum nutrimentum parum excrementorum relinquit.



*De Thure.*

**T**HVS abscessu secundo concalfacit: siccatur  
tem primo. Recreat spiritus animales pari-  
terque vitales: proinde mentis hebetudini  
obliuioniq; medetur: huius verò effectus propemo-  
dum dixerim pares inueniuntur iis, quos Been vtrun-  
que præstat: tamen cor non æque corroborat atque  
Pestilē illa: verum quoniam odoratiùs, in pestilentia sufficitur  
cia. vtilius. Quin & venenis egregiè repugnare certū est.

*De Polypodio, siue Filicula.*

**F**ILICULA, cor, cerebrum, totūq; ipsum  
corpus atq; bilis iucco liberare creditur: fa-  
cultatē enim obtinet purgandi: qua de cau-  
sa prætare hilaritatem non ineptē fortē quis dixerit.

*De Pyris.*

**P**YRA quidem quæ odore præstant, cordi  
amica, gratāque existimantur. verum non  
perinde ac Matiana mālā: quorum effectus  
auget & ampliat adstrictio: quæ ipsis inest: naturā  
autem sunt refrigeratrice.

*De Peonia.*

**P**EONIA quodammodo caloris frigorisq;  
medium tenet: verum vehementer siccatur.  
Quin & adstringit: estque partium tenuium  
quibus

quibus validior efficitur eius proprietas. hac nanque spiritus cerebri, ipsūque cerebrum superuacuis expurgat, atque liberat: quippe inde & pituitatem, & atram bilem educit: cerebro verò tantum roboris adicit, ut deinceps non tam facile promptēque huiusmodi noxios succos admittat. Cæterum, etsi scriptum non inuenio periuriam cordi opitulari: tamen non dubito, quin præclare huic conferat.

### *De Rosa.*

**R**OSA quemadmodum Myrthus, variam habet substantiam, aliam scilicet ordine secundo refrigeratricem, aliam verò calfacientem primo: aliam item, quæ lenit & humectat: aliam, quæ densat siccātque. Confert odore spiritibus calidioribus: refrigerat enim. quin & ipsos corroborat ac continet sua adstrictione: propterea animi defectibus, & cordis affectibus auxiliatur: itemque cæteris visceribus amica est.

### *De Serico.*

**S**ERICVM, præsertimque crudum, ad hilaritatem minime conducit præstandam. Sed & coctum (quod tincturæ expers fuerit) ad id usurpatur. Calfacit autem atque arefacit abscessu primo. Substantiæ est raræ. ac tenuis atque splendida: ideoque proprietas talium societate atque ope cumulator sentitur. Etenim spiritus firmat, continet, abstergit, serenat atque illustrat: verum vitali

D      §      haud

haud tantum prodesse constat : quippe animales quoque inuat : memoriam enim stabilis, atque instaurat : visumque recreat, si oculi eo colluantur. Porro iocinoris spiritui amicum omnino esse nemo inficias ibit : præsertim qui videntes eo, obefari spectauerit. quod equidem minimè efficit, quia corpus temperet, sed quoniam spiritum naturalem magis aptum ad alendum ipsum præstet.

### *De Stechade.*

**S**TECHAS, præcipuè ex Arabia adiectum, concalfacit ordine primo, & arefacit secundo : deicitque peculiariter alium, & purgat succum atræ bilis : qui vel in cerebro, vel corde reperitur. Vnde & cordi firmitatem adiuere, & hilaritatem facere putatur : spiritusque serenare : quin & adstrictione moderatè eos continere, ac stabilire. Præterea, memoriam tuetur, deperditamque restituit. Adhæc, percussibus serpentum & venenatarum ferarum egregiè resistit, atque medetur.

### *De Santalis.*

**S**ANTALI proprietatem mirabilem obtinent ad lætitiâ procreandam : habent odorem suauem : essentiaque tenuitatem : & vim adstrictoriam : quibus egregiè ampliatur & roboratur proprietas. Natura omnibus refrigerandi est. Sed candicans valentiùs id præstat : quod verò ubet, imbecilliùs vtrunque & refrigerare & siccare abscessu

abcessu secundo credi potest.

*De terra Lemnia.*

**TERRA** Lemnia temperaturæ hominis propinqua foret, nisi humectationem ariditas superaret. Abstergit quoque, & quandam obtinet lentorem. Cæterum, mira eius proprietas spectatur tum in præstanda hilaritate, tum corde roborando atque tuendo. Aduersari quoque venenis omnibus exploratissimum habetur: quippe præsumpta, vel à cibo exhibita, epotum venenum expurgat, propulsatque vomitu. Quinetiam spiritus illustrat & expurgat, atque adstrictione sua & lætitia continet; & solidos efficit. Proinde vehementius exhilarabit, & efficacius cordi auxiliabitur.

*De Zedoario.*

**ZEDOARIUM**, vtrunque est ex calfacientium & siccantium ordine tertio: inestque cum essentia tenuitate adstrictio: quæ una, cum odore simul ac proprietate cordi robur adferunt. Sed domesticum id præstantius efficit: ideoque miscetur antidotis. Præterea, quoniam essentia spiritus mirè continet, naturalem quoque in iecore consistit, recreat, fouetque. Quare in album eorum referendum censent, quæ obesos reddant homines.

*De Antidotis.*

**E**XPOSITIS simplicibus medicamen-  
tis, quæ cordi vtilia sunt, optimum erit,  
de compositis aliquid scribere. Primum  
verò de antidotis Mithridatis atque magnæ Thera-  
ces differere conuenit: quarum laudes omnium cele-  
bratissimæ habentur. In hominum vita temperan-  
da, corde roborando, spiritu recreando, ac fo-  
uendo, visceribus cunctis auxiliando, præterea om-  
nem animi tristitiam abigunt: nubilaque eius se-  
renant ac tranquillat: venenisque omnibus aduer-  
santur: & bestiarum percussibus medentur genero-  
sissimè. Verùm vtriusque antidoti vires aliquate-  
nus compertas habemus, aliquatenus verò igno-  
ramus. Est autem id quod nos latet, vis illa ad-  
mirabilis: quæ post temperationem & misturam  
ipsis aduenit. Quod verò nobis cognitum, est natu-  
ra simplicium, ex quibus constant & concinnan-  
tur. Exempli causa: Si dixerò me exactè facultates  
nosse aut Mithridatij antidoti, aut Theriaces, itémq;  
veneno viperæ & scorpionum aduersari, quoniam  
ex iis componantur, quæ tales obtineant vires:  
quin & cordi cæterisque visceribus prodesse opi-  
tularique, quia scilicet commista contingant quæ  
his visceribus conferant: profectò merito censebi-  
mur tenere ad vnguem horum medicamentorum  
potentias. Adhæc, ignoramus causam, qua quan-  
titas simplicium inueniri in his potuit: ut sic bellè  
temperarentur, & mutuo responderent. Veritatis  
interpretes existimarunt tam exactam huiusmodi  
corse

EIVSQUE FACULTATIB. 61

confecturæ rationem cœlitus diuinitusque nobis donatam: nec potuisse (vel quamuis sedula hominis cura) inueniri. cur autem recentes inefficaciores sunt, alibi diximus. Certum est

Theriacen diutius asservas

am, excellentio-

rem ef-

fe.

F I N I S.

BIBLIOTHECA

DE HAC BIBLIOTHECA